



Dearvvahit

Leat muhtin iešguđetlágan vuogi mo dearvvahit. Olbmuid geaid mii deaivat muhto eat dovdda nu bures ja varra eat goasse leat deaivan, mii váldit gihtii, geahččat su čalmmiide ja dadjat: Bures-bures. Jos mii eat dovdda su, de mii dadjalat vel iežamet nama.

Skiháriid, bearašláhtuid, fulkkiid ja olbmuid geaid mii dovdat hui bures ja geaid mii liikot dahje ráhkistit mii sállut ja buorrestit. Muhtimin sáhttit seavestit ja moddjestit.

Midjiide šaddá buorre dovdu go olbmot čájehit ahte sii dovdet min ja ilosmuvvet go oidnet min. Olbmot servodagas vurdet ahte mii oahppat ja máhttit dearvvahit.

Hárjehallet mánáidgárddis dearvvahit. Dahket rollaneaktima das. Sámi servodagas lea dábbalaš ahte nuorat olmmoš manná vuorraset olbmo lusa ja dearvvaha su, jos ii leat guhkes áigái oaidnalan, dahje ii dovddat muhto lea seammá doaluin. Sáhttibehtet ásahit áváid-gilvvu. Gii nagoda eanemus áváid addit ovttá vahkus? Ávát galget guoskat nuppi muhtui ja bistit 5 sekundda.

